

COMUNICATO n. 866 del 19/04/2024

Traduzione in cimbro

Font Euregio vor di nâsüach, âgenump in Akòrd vor 1,3 mildjü euro

[Cimbro] Âgenump vodar provintzial Djunta, vorgelekk von asesór afte bichschaft, arbat, universitèt, nâsüach, in skèm von Akòrd gemacht pittnândar pinn GECT Euregio Tiról-Südtiról-Trentino, pittar autonome Provìntz vo Tria, da autonome Provìntz vo Poatzan un 'z Lânt Tiról, skèm boda vorlekk bia zo arbata pittnândar zbisnen in drai lentar vor bazta âgeat in 5° auszschraibung von Font von Euregio vor di nâsüach.

Vor in asesór vürvüarn, schützan un machan khennen nâsüach un vornaügarom soin a gruntegar strumént zo macha krescharn, saiz in mentschaftlege schatz, saiz in sistèm von firmen. Ma sait nâ, defatte, zo lega in spil di qualitét un di konkorentz vodar gântzan Provìntz. Vor daz sèll di Provìntz schupft zo macha sbern mearar in Trentino a livèll internatzionàl in sektór vodar nâsüach un vodar vornaügarom durch in sèll boda mage tüan dar Euregio o.

Dar provedimént geat â un vüart vür arbatn boda sa soin gest khent geschützt von GECT Euregio vor bazta âgeat di nâsüach; atz haüt, defatte, soinda khent âgenump drinn in ESF viar auszschraibung, boda hâmb zuargètt zo macha 23 interedjonälege prodjèkte vor schiar 8,5 mildjü euro in gântzan.

Di prodjèkte boda bartn khemmen âgenump z'soina geschützt vor di drai djar 2025/2027 bartn mang nützan 1,3 mildjü euro, gelekk vodar ünsarn Provìntz âhevante von djar boda khint, asó azpe da hatt khött dar vorsitzar vodar autonome Provìntz vo Tria.

Dar GECT Euregio hatt zbisnen soin ziln zo macha khennen un zo sterchra bazta âgeat dar bizzschaftege nâsüach, durch initziativan boda innvângen nâsüachar vo alln drai in lentar von Euregio, Tiról-Südtiról-Trentino. Vor daz sèll schiar vor zen djar di Djunta von GECT hatt deliberàrt auzolega in ESF (Euregio Science Fund) boda vürtrakk internatzionalege prodjèkte übar dar nâsüach in sektór boda âgian alln. Nâ ditza khinta vürgelekk zo untarschraiba an Akòrd zo arabata pittnândar fra in GECT sèlbart un di govèrne von drai lentar auzzogeba auszschraibung alln sovl zait. Pitt disan provedimént khinta âgenump dar skèm vo disan Akòrd zo arbata pittnândar un gitt zuar in vorsitzar vodar Provìntz zo untarschraibanen, darzuar khinta auzgemacht hintarzohalta aftn provintziàl bilântz 'z gèlt boda iz mângl zo zala dise prodjèkte.

Dar koordinamént un allz daz sèll boda mocht khemmen getânt vor in vünfte auszschraibung khint gètt vor disa earst zait in Lânt Tiról, lai zo schètza di prodjèkte boda bartn khemmen inngètt augehaltet o von österaichege Font vor di bizzschaft (FWF), vor dise aktivitétt disar provedimént hatt zuargètt in GECT Euregio in toal boda austeat in aniaglaz lânt von 86.666,67 euro in gântzan.

Ândre informatziongen mang khemmen gevuntet afte websait:

<https://www.fwf.ac.at/en/funding/portfolio/international-collaborations/tyrol-south-tyrol-trentino>

Übersetzt von Schaltarle vor di zung von Toalkamou vodar Zimbar Hoachebene

(cdt)